

書名 空同先生集六十三卷 嘉靖九年序刊本
撰者 明 李夢陽 撰
卷 卷十一
內容分類 集-別集-明中葉
索書號 倉石:40084
編號 4008000

卷十一

空同先生集卷第一

賦一十首

疑賦

思賦

省愆賦

緒寓賦

俟軒子賦

一十首

疑賦

鈍賦

述征賦

宣歸賦

寄兒賦

竹石賦

[彩色首頁1](#)

[東洋文化研究所漢籍目錄 編號: 4008000](#)
[東洋文化研究所漢籍目錄所藏漢籍善本全文影像資料庫 索書號: 倉石:40084](#)
[漢籍善本全文影像資料庫文本空同先生集六十三卷 嘉靖九年序刊本](#)
版權所有: [東京大學](#) [東洋文化研究所](#)
[使用上的注意事項](#)

乾坤高卑易矣。星辰在下。江河逆矣。天喬喬天。

北郡李夢陽撰



空同先生集卷第十一

北郡李夢陽撰

詩 五言古詩四十首

感述

渡漢五首

雜詩三首

轅駒嘆

李廣

豫生

怨歌行

詠古鏡

葑菲嘆

有夢

雞鳴篇

馳景篇

時序篇

歲晏行

苦熱篇二首

潛龍篇

孔翠篇

有鳥二首

卧疾二首

值雪詠懷

至後上方寺酒集

上巳海印寺二首

春遊篇二首

春日洪法寺後岡

秋日重過上方寺

苦寒行

京師元夕有懷丘子兼憶舊遊而作

元夕友人見訪

月夜飲別徐氏

行省樹下

感述

渡漢五首

好游良有殫今朝竟言歸洶洶舟下濤亂之將疇依
異途各為趨同木相隨飛通觀千仞禽誰復瞻其輝

二

萬事雖貴豫數極誰竟猷竭來彈我劍且復三河游
迤東望濠梁嘒言懷莊周黃鳥孰興篇枌榆廼見尤

三

於心懷佳山昔之每自顧相逢鮮久要那得不念故
塞翁罔憂馬馬歸人始悟游女非召南千年沒貞素

四

霖雨濡我執寒潦何滔滔墳畝峻徒悲漢流怒洪濤
思美嘆晨夕欲濟難容舫限隔豈固逖踟躕為誰切

五

閑登古樊城回望峴首山鷄雀躍寒蓬疇念朱岑翰
小人競錐刀羊子迺探環智愚固生性融晦靡我嘆

雜詩三首

宛宛春田鳩飛鳴柔且閑一朝化為鷹肅肅厲羽翰
衆禽不敢並孤立秋雲端鳥既不自知人胡究其然

二

縣縣谷中葛引蔓在修楚修楚伐為薪葛也安所附
豈無絺與綌可以禦清暑烈烈嚴冬時憂君乏纊絮

三

汎汎河上舟搖搖靡攸止我欲維此舟川廣不可涘

振振鳧與鴈棲食在波水豈不良幽寔夙心耽樂此

轅駒嘆

世徑互險夷富貴安所需昔為櫪中駿今為轅下駒
白日仰悲鳴青雲立踟蹰未蒙主人顧何由効馳驅
朝思碣石津夕睇流沙隅常恐侶凡蹇棄捐中路衢

李廣

李廣昔未遇射獵誰見稱君主猶未識他人寧不輕
日從田間飲夜止灞上亭醉尉前呼呵小吏亦見凌
一朝剖郡符飛蓋赴北平凭軾覽百邑樹羽寧千城
亭障不設燧櫪馬躍頓纓纒弓射虎歸淡淡黃雲生
自從結髮戰舍鏑無虛鳴威愾五單于胡人寤寐驚

孰知身運乖數奇竟無成壯顏逐年衰白髮忽見嬰
寄言雄圖者俟命莫吞聲

豫生

士有氣相感殺身酬所知伯氏既謝世族姓無子遺
子
噬炭甘共飴漆身亮何為生既荷君遇沒敢求君知
仇聞再三嘆攬淚惠新衣玉劔四五動左右神為摧
愴哉彼流水迄今為鳴悲行路佇嘆息芝蘭繞墳墓
人生固有畢節義誠難虧

怨歌行

怨違情有悲懽聚理無欺懽怨非中則感離難重持
纔見春華文條已晨露滋秋風吹羅袂團扇不復施
團扇與羅袂用舍各有時炎寒啓迭運超曠多遠期
勿徒嘆捐棄恩愛倘中移

詠古鏡

熒熒堂中鏡皎皎懸秋月寵移明與奪勢滿光仍缺
美人昔提携拂拭生皎潔用以奉君子義投物不忽
良無刮磨費豈謂遽乖絕悲故情自懣爭妍道所劣
掩抑經冬春蕪蝕怨芳節黃鳥及候吟朱蘭有時歇
推移準運理顯晦遵前哲顯晦亦何憐所嘆在乖別

葑菲嘆

菁菁田中葑與與疆上菲托根豈誠異敷葉為誰美
采掇女心嘆遵路勞情理鮮莖入素手終朝不盈筐

置之獨長惋
投淚沾衣裏
白華肇卑薄
谷風啓怨誹
色衰使交離
棄美因下體
空瞻寸晷旋
倏見嚴飈起
徒持履霜戒
誰念禦冬旨
吟嘆非貞喻
托物聊在此

有夢

濡迹古梁郊
托茲洪河疆
流景逝不處
衆草忽已霜
玄雲駭崇原
鳴風激空桑
侯予竟此夕
念獨涕沾裳
人欲天必從
神交詎無方
解襟即幽寐
執袂奉顏光
道睽未終已
舒體各異鄉
鳴雞在東壁
薄月鑿空床
精誠諒有合
暫違寧詎傷

雞鳴篇

宛宛天運周
雞鳴夜復旦
疾者寡長寐
思者多寤嘆

癩憂積中腸
緒理一何亂
衆人皆經營
君子樂行行
高山變爲陵
深谷化爲岸
願從詹氏卜
乘槎問河漢

馳景篇

小至方浹辰
居然留寒臘
澄空暮霜歛
雲物恣吐納
眷念河關阻
悵望三川楫
城陰多悲風
馳景杳難接
遙憶鹿門駕
緬軫馮驩鈇

時序篇

邈矣時序邁
悠悠羈思懸
少歲覲飛龍
振步躡雲煙
揚芬凌紫霄
結駟覽黃淵
王綱祗以穆
四海屢豐年
晨趨謁雲陛
晚沐踏京塵
流觴擁華館
藻翰飛陽春
逸者眷多暇
壯士耻無聞
徒閱芳華改
何有尺寸勲

日月不我待，倏忽星運移。抱疴留茲夕，憮然傷夙期。
玄髮難久恃，母令達者嗤。

歲晏行

歲晏幽陰積，寒霖夕館空。浮雲起城闕，浩眇安可窮。
悠揚橫太虛，回薄蔽鴻蒙。我有一叢蘭，種之良亦難。
飄風忽來吹零露，苦相殘。勸君留此草，蕭艾不可寶。

苦熱篇二首

大運互伸縮，二儀每驕蹇。陽威苟不烈，陰馭何能反。
避暑躡清榭，拭汗望幽巖。密綠曠豐林，萋蕪萎修坂。
逃飲豈其性，對食不能飯。嗟彼馳騁子，晨暮各忘返。
執執古有經，愚智詎相遠。何當蘇海宇，余亦遂仰偃。

二

伏陰會當升，愆陽固有期。牆茨覆鮮實，蟪蛄夕以哀。
所虞大火流，卽值涼霜催。軒轅製六律，大舜彈鳴絲。
四氣為之和，民生寡憂思。古理日云邈，季運安所師。
我懷良已永，炎曜况倭遲。願言惠清飈，颯然均此施。

潛龍篇

驕陰不可制，堅冰憂我哀。陽馭倏來返，玄律播陰風。
譬彼晝與夜，循環固難窮。古人閑行旅，九市禁相通。
陽升懼不力，靜以收其功。養木當以萌，養德當以蒙。
眇哉一絲微，柰此群陰攻。脉脉淵泉底，疇能拔潛龍。

孔翠篇

孔翠耀其羽，迺為俗所珍。神龍處九淵，潛躍固有因。
小人役瑣屑，君子揚其芬。遐哉顏閔烈，千秋灑靈芬。
出事金玉昆，入奉堂上親。恩義苟不虧，豈必饌芳薰。
爰騁六藝圃，載泳詩書津。何當繼喬木，振珮躡高雲。

有鳥二首

有鳥東方來，長鳴向西北。竦身欲縛鳥，自顧無羽翼。
白日蔽高陸，玄陰視無極。風飈晝烈烈，積霰墮我側。
星紀雖云周，沴氣尚難測。逝者一何速，來者懼不力。
杖杜生道左，孤桐棄遐域。雖懷壯士情，詎補陽和德。

二

一為羈旅士，遂使年歲積。人情感新故，慘慘不得釋。

夜視天上星，翳翳雲霰隔。陽道即光明，何由布德澤。
離居多永憂，悵念在今夕。借問悵念誰，是我同袍客。
豈謂涼暄殊，所嘆阻疆場。緘書寄游雲，會托南征翮。

卧疾二首

寒飈振疏牖，十日歲華改。王孫怨修路，芳草若相待。
寸心百慮嬰，移疾屢朝晦。范甌蛛網生，翟門雀羅在。
嘆息中林蕙，望望何能采。

二

眠疴感歲晏，中意長刺刺。展策不能讀，對酒寡懽懽。
晨風激幽林，堅冰滿川澤。短景不可駐，倏忽變昕夕。
飛雲迅南征，歸鳥厲其翼。地北常苦寒，寤寐想溫域。

值雪詠懷

索居倦晨暮杳杳傷歲窮玄雲爲誰屯流霏夜常風
映隙旣窈窕穿窓亦玲瓏凌高似有綴填卑忽若崇
衰多雖稱物益寡竟誰功匪無盈尊酒斟酌解我忡
途路悵伊阻佳期杳莫同握瑾惜楚老投瑤怨國風
人欲天必從精感理能通鍾絃曠易絕郢調寡彌工
持爲知音說庶以折其衷

至後上方寺酒集

夕陰晦昏氛我行值嘉明白日展冬耀雪霽松林清
景異賞貴延朋集杯難停入筵午未端歸騎夕已冥
衝風振巖廊鈴索抗高鳴塔虛響先奔珠圓光易傾
超物慮可澹遺榮累果輕又枉証詮理一悟得所徵
上巳海印寺二首

二

眺遠及麗辰登危開我襟秉炬躡佛榭杳杳夕光侵
芳湖遽澄鮮幽隍覆層陰畢景沒長甸輕霏變春岑
仰矚雙龍闕却瞻上苑林歸翼矯以翔鴻鴈多哀音
蒼蔚桃李塲孰分松柏森

春游篇二首

東氣散廣陌北杓指青陬美人惜春陽鳴鑣事遨遊
遨遊覽萬物紆遲駐道周京邑藹九衢合沓喧輪騶
黃鳥集于林碧草生御溝御溝多垂楊芳樹夾朱樓
卑崇冒休澤鬱哉帝王州

二

朝遊東市陌暮出北城衢夕林何嶽岑華月耀西隅
宵征沂皇垣廻策遵玄湖春冰日以薄鳧鴈聚喧呼
逶迤浦淑貫金刹據中區前有三石梁宛若垂虹紆
却顧雲中觀翳翳蔽松榆

春日洪法寺後岡

暄陽入廣墟平阡暖煙蕪稅鞅尋高禪陟丘眺神都
白日麗中衢青霏藹林岨碧草一何萋叢葩亦已敷
纍纍誰氏墳峭崿三浮屠鑿石錮九泉雄構耀城隅
輿臺盜綺衣苔蘚封丹樞矯首視天宇剡剡浮雲徂
崇名古所欽多藏祗區區

秋日重過上方寺

居閑懷行游觸景慨時速昨來春華敷秋草倏已綠
弱蘋布霜漣叢蘭委寒陸纍果媚西陽漂籜滿空曲
物遇信繇曠情移乃躑躅夷猶步前庭迤邐陟曾麓
夕風一何厲行雲結相逐鐸音抗高聽塔影駭流矚
聿非封侯骨虛擬燕頤肉飛纓靡不榮芒屨諒應足

寄謝世上人吾又脫羈束

苦寒行

白日歛光曜北風如劒刃澤堅走鳴車冰雪峙千仞
登高望四海四海水將結蛟蛇壅巢窟虎豹潛於穴
噴坑太行谷蒼莽陰山戎沙磧晝飛霜壘門吹烈風
鳥雀墮巖壁黃狐嘯空城居人掩關卧客子無復行
京師元夕有懷丘子兼憶舊遊而作

名都鬱坱壘浮雲陰孤臺宿昔與丈人攬袂凌崔嵬
延眺殊未已明月從東來俯身覽九陌車馬何誼
朱門競笙竽鐘鼓趣行杯詎知前代人寒隧生青苔
金珠委瓦礫鉛華安在哉沉冥日云富感激令心哀
丈人方岳裔夙質謝塵埃婚嫁慕向子幽棲放顏坏
七十尚蛇蟄白衣潛草萊嗟余糾簪綬俛仰阻沿洄
逝將親逸躅榮盛等浮灰

元夕友人見訪

春月多麗輝白雪媚其姿美哉京洛夕銀潢鬱逶迤
逶迤帶紫陌車馬驅以馳繁燈張四衢都人競遊嬉
道者便靜性俗夫乏遠資林塘枉冠蓋繾綣非我期
金波低宛轉明星漸離離清光苟不虧永與浮雲辭

月夜飲別徐氏

仲月玄鳥集蚯蚓蟠于廬竭從徐氏飲置酒臨中除
明月一何光衆星爛高虛中有參與商相望憐不舒

人生雖有權詎得常相於夷猶廣庭內惻惻慘子祛
哲人重明德邁士懷離居離居諒復合行矣慎所須

行省樹下

中林溽雨積蕪徑暑日薄衆鳥集于樾鷓風眇焉託
披雲矚岑觀縹緲三阿閣踽踽懷昔賢擾擾疾焚錯
夷猶攀榮柯慷慨念幽壑

空同先生集卷第十一

空同先生集卷第十二

北郡李夢陽撰

詩 五言古詩四十四首

贈荅三十四首

贈四子

九子詠九首

贈姚貞外二首

別諸生漢口

贈張含二首

送張含還金齒

酬提學陝西朱君以巡歷諸什見寄

酬秦子百泉之招人事羈滯頗興延阻之嘆

五首

將赴南邑借丘長公巾車